

VENDIM
Nr. 824, datë 6.12.2006

**PËR MIRATIMIN E INSTITUCIONEVE TË AUTORIZUARA PËR
VERIFIKIMIN, NË MËNYRË ELEKTRONIKE, TË GJENDJES GJYQËSORE,
SI DHE TË FORMULARIT TË VETËDEKLARIMIT**

(Ndryshuar me VKM nr. 6, datë 4.1.2008; nr. 1425, datë 22.10.2008; nr. 1276, datë 23.12.2009; nr. 751, datë 8.9.2010; nr. 350, datë 29.4.2015; nr. 31, datë 18.1.2017; nr. 806, datë 29.12.2017)

(i përditësuar)

Në mbështetje të nenit 100 të Kushtetutës dhe të neneve 2, 7, 8, e 11 të ligjit nr.9614, datë 21.9.2006 “Për certifikatat elektronike të gjendjes gjyqësore”, me propozimin e Ministrit të Drejtësisë, Këshilli i Ministrave

VENDOSI:

- I. Institucionet, që autorizohen për verifikimin, në mënyrë elektronike, të gjendjes gjyqësore, janë:*
- 1. Zyra e Presidentit të Republikës së Shqipërisë;*
 - 2. Kuvendi i Republikës së Shqipërisë;*
 - 3. Kryeministria;*
 - 4. Gjykata Kushtetuese;*
 - 5. Prokuroria e Përgjithshme;*
 - 6. Prokuroria e Posaçme;*
 - 7. Prokuroritë pranë gjykatave të apelit me juridiksion të përgjithshëm;*
 - 8. Prokuroritë pranë gjykatave të shkallës së parë me juridiksion të përgjithshëm;*
 - 9. Këshilli i Lartë Gjyqësor;*
 - 10. Këshilli i Lartë i Prokurorisë;*
 - 11. Komisioni Qendror i Zgjedhjeve;*
 - 12. Kontrolli i Lartë i Shtetit;*
 - 13. Banka e Shqipërisë;*
 - 14. Të gjitha ministratë e linjës;*
 - 15. Të gjitha institucionet në varësi të Kryeministrit apo të ministrave të linjës;*
 - 16. Degët territoriale të ministrave ose institucioneve të varësisë;*
 - 17. Njësitë e vetëqeverisjes vendore;*
 - 18. Interpoli;*
 - 19. Misionet diplomatike, me autorizim të Ministrisë për Evropën dhe Punët e Jashtme;*
 - 20. Ministria për Evropën dhe Punët e Jashtme, për shërbimet konsullore që ofrohen për shtetasit shqiptarë jashtë Republikës së Shqipërisë;*
 - 21. Misioni diplomatik i Bashkimit Evropian në Republikën e Shqipërisë;*
 - 22. Zyra e Këshillit të Evropës në Republikën e Shqipërisë;*
 - 23. Enti Rregullator i Energjisë;*
 - 24. Autoriteti i Mbikëqyrjes Financiare;*
 - 25. Autoriteti i Aviacionit Civil;*
 - 26. Autoriteti Portual;*
 - 27. Shkolla e Magjistraturës;*
 - 28. Çdo institucion tjetër shtetëror, që paraqet kërkesë pranë Ministrisë së Drejtësisë dhe pajiset prej saj me kodet hyrëse (user name dhe password) të regjistrit elektronik të gjendjes gjyqësore.*

I/1. Institucionet e autorizuar, gjatë verifikimit elektronik të gjendjes gjyqësore, marrin masat për respektimin e sigurisë së sistemit të të dhënave dhe të fshehtësisë të të dhënave personale të shtetasve.

II. Miratimin e formularit të vetëdeklarimi, sipas aneksit 1, që i bashkëlidhet këtij vendimi.

III. Ngarkohen Ministria e Drejtësisë dhe subjektet e tjera, që përcaktuara në këtë vendim, të caktojnë personin përkatës, që do të ketë akses për të përfutur të dhënat e parashikuara në pikën 8 të nenit 2 të ligjit nr.9614, datë 21.9.2006 “Për certifikatat elektronike të gjendjes civile gjyqësore”, brenda një afati prej 10 ditësh nga hyrja në fuqi e këtij vendimi.

III/1. Institucionet e parashikuara në pikën 1 konfirmojnë gjendjen gjyqësore të personit të deklaruar në formularin e vetëdeklarimit nëpërmjet sistemit elektronik fingerprint dhe nuk mund të kërkojnë më paraqitjen e dëshmisë së penaltetit, të lëshuar nga zyra e gjendjes gjyqësore. Përjashtim nga ky rregull bën institucioni i prokurorisë.

IV. Ngarkohet Ministria e Drejtësisë për zbatimin e këtij vendimi.

Ky vendim hyn fuqi pas botimit në Fletoren Zyrtare.

KRYEMINISTRI
Sali Berisha

ANEKSI 1

FORMULAR VETËDEKLARIMI

Të dhënat e vetëdeklaruesit:

Mbiemri, Emri Atësia/ Amësia	
Datëlindja	
Vendlindja	
Dokumenti i identifikimit (një kopje bashkëngjitur formularit)	

Deklaroj me vullnetin tim të lirë se jam: ☐ i/e padënuar

☐ i/e dënuar

DEKLARUESI

MARRËSI I VETËDEKLARIMIT

Emër, mbiemër/firmë

Emër, mbiemër/firmë / vulë

Autorizim: Deklaroj se të dhënat e paraqitura në këtë formular janë të vërteta dhe
autorizoj kontrollin e vërtetësisë së tyre nga

Subjekti i autorizuar

Nënshkrimi i deklaruesit autorizues

Data e nënshkrimit

Shënim. Trajtimi i të dhënave personale në vijim të përorimit të këtij autorizimi do të bëhet vetëm në përputhje me *ligjin nr.9887, datë 10.3.2008* “Për mbrojtjen e të dhënave personale”

Deklarimi i rremë shkakton përgjegjësi penale sipas ligjit dhe passjell përjashtimin nga çdo procedurë e mëtejshme.